

毛奇齡全集

10

(清) 毛奇齡撰

龐曉敏主編

學苑出版社

第十冊

毛奇齡全集

(清) 毛奇齡 撰
龐曉敏 主編

學苑出版社

目錄

經集

春秋毛氏傳 三十六卷 卷七——卷十九

西河合集

西河合集

蕭山毛奇齡

字大可初晴

遠宗姬黃較

春秋毛氏傳

七年至八年

五年

春正月甲戌巳丑陳侯鮑卒

陳侯以卒赴而史書名例已見前

年隱三

其曰赴以

名與同盟而後書名俱非也侯固未嘗同盟也但

卒有兩日大不可解據傳云再赴也方公疾病時

其弟陳佗殺太子免而自立故亂作而赴告不一

春秋毛氏傳

恒

卽史記亦云三十八年正月甲戌巳丑陳桓公鮑卒其弟佗之母蔡女也蔡人爲佗殺五父及太子免而立佗是爲厲公方桓公病而亂作國人分散故再赴是兩赴兩日彼此有據似乎不誣祇此後六年蔡人殺陳佗立桓公之子躍爲厲公則厲公非佗卽躍也蔡人殺佗則佗母非蔡女厲公躍實蔡所出也且五父卽佗蔡人亦無有先殺五父及太子免者則史記較傳稍爲未確又後儒以長歷推算則甲戌巳丑相距十六日一在桓四年十二月二十一日一在五年正月六日而此並書正月

者不知赴文本如是抑亦魯史從簡依後赴之月
書前月日也凡此皆當備考之以存疑者若公羊
謂陳侯病在甲戌出亡至巳丑日始得之然而不
知其死在何日也故舉兩日而穀梁謂侯本避病
非狂也戌出丑得不知死日故舉兩日以包之夫
以諸侯之尊陳國之隘狂死何地至十六日而不
知其屍之所在已怪極矣况避病而出別無侍養
一如鬼偃之獨行蹤跡無所此非道聽塗說也直
是瘞犬病發洵口吠嚙而以之傳春秋欲春秋不
亡得乎

夏齊侯鄭伯如紀

據傳齊侯鄭伯朝于紀欲以襲紀而紀人知之此必以紀人來告故書按周制諸侯原有相朝之禮前見但尊不朝卑大不朝小齊鄭尊大豈肯輕朝卑小以謀襲國况襲國使不知朝則已知之矣且史例列國相朝不書何獨書此若云紀以朝告則直書朝紀耳安所避諱而書如若云如卽是朝則後此十八年公與夫人遂如齊亦朝齊乎爾雅云如者往也齊欲謀紀則邀鄭伯偕往以覘其動靜蓋爲後年滅紀地也如此則齊惡亦甚矣至于我公

書出並不及朝如如齊如晉如楚類則或有諱避

他國不然此與本年冬州公如曹例同如曹亦非朝曹見後

天王使仍叔之子來聘

仍叔梁作

天子之大夫稱字故仍氏而叔字其曰之子以父使來告而子行之也此與隱三年武氏子例同

葬陳桓公

城祝丘

秋蔡人衛人陳人從王伐鄭

此王桓王鄭者鄭莊公也據傳王奪鄭伯政鄭伯不朝王以諸侯之師伐鄭而鄭伯禦之戰于繻葛

王師敗績鄭祝聃射王中肩鄭莊之惡于是乎不可貲矣然而陳蔡與衛君不親往第以無何有之人帥寡少之師勉強從王以致覆敗罪亦不小又况我魯之袖手觀望者乎其不書王師敗績者所以諱王辱而減國惡事也而文與義皆見焉若胡氏以王不討魯桓并不討宋督憤怒興師並爲王罪故削去天字則王朝卿士跋扈不臣尚不能聲罪一戰而敗而追責其不討宋魯爲爾君者不亦難乎夫惡當重大不容旁貸君臣相殺彼我同責已爲難堪况復舍其臣而專治君罪生平毀鄭莊

不直一錢。今反祖之何也。

大雩

雩者旱祭也。其稱大雩者。重其祭名。猶烝嘗之稱大嘗。大烝並非雩祭。有大小也。但大雩有二。一是龍見之祭。建巳之月。東方蒼龍七宿昏見于南。則雩祭以祈膏雨。恐夏旱也。此限定四月之祭。左氏所謂龍見而雩是也。一是呼旱之祭。時當旱暵。則不問夏秋隨時可祭。穀梁註雩者舞而呼旱。鄭氏禮註雩者吁也。吁嗟而求雨是也。春秋恒禮不書。則四月之雩未必書。凡書大雩皆是呼旱而左。

傳謂爲失時蓋以周之秋卽夏之夏而秋始于七
八月但當夏之五六月而四月不在其內故凡書
秋雩卽爲失時以秋無四月也然襄五年秋大雩
傳又稱曰旱而不稱失時或曰書月者爲旱以其
在八九月間去四月遠則爲旱如襄八年九月大
雩傳曰旱昭三年八月大雩傳曰旱是也若祇言
秋則近在五月去四月近卽爲失時則昭二十五
年秋七月上辛大雩季辛又雩而傳曰旱甚大周
之七月正夏之五月與四月近况業已兩雩則必
一正祭而一呼旱然而皆曰旱而不稱失時何也

况春秋貴比例秋雩之例總爲早禱而舊儒又分爲四部一曰正祭失時一曰禱禮呼旱一曰旱不爲災一曰旱氣所致其分正祭失時者祇此桓五年大雩爲一部考經文書大雩凡二十有一單書秋大雩而不書月者有七自此年後成三年襄五年至定十二年止皆一例書某年秋大雩三字而失時一部祇以此一年當之則彼六大雩將屬何部况其所爲禱禮旱不爲災又皆望一漏百此白彼黑而並無一合者也孟子曰七八月之間旱周七八月夏五六月也秋在五六月去四月小滿中

氣則芒種播穀正當旱時故秋雩之書專爲旱祭
此無可疑者胡氏不識春秋妄冠夏時其于歲候
節月一概不通至此則又遵賈逵之說謂大雩者
雩上帝之稱諸侯但當雩境內山川耳魯獨雩上
帝而用盛樂是僭禮也故春秋譏之則不知賈說
本月令而誤解之者月令以仲夏之月命有司祈
祀山川百源大雩帝而用盛樂言先祈祀山川百
源之神而後祈祀五方之帝以求雨鄭註所謂先
祭其本然後雩祭以爲山川者出雨之本也是山
川五帝一時並祭何曾有天子祭上帝諸侯祭境

內山川之別。且帝卽五帝謂之方。神禮所稱方明。是也。方明之神。諸侯盟會卽祭之。何必天子。若雩用盛樂。不過巫師歌舞。間用樂器。如所云。鼗。祝。敔。者。未嘗曰歌。黃鐘舞。雲門以祀天神也。又况呂氏月令不可爲據論者。謂其雜秦制。而卽此一祭。龍見正雩。斷在巳月。而月令記在仲夏之後。則巳訛爲午月矣。春秋說雩在三傳諸家。尚無定詞。豈可以呂氏春秋強釋。魯史又誤解乎。故吾謂此所書雩。斷屬旱祭。誠非妄言。卽以此經觀之。書雩之後。繼書以螽。螽者蝗屬。旱則生之。可驗也。人以

傳証經。吾以經証經。若其書零而不書早書旱書不雨而反不書零則有二說。公羊曰言零則旱見言旱則零不見。謂書零而旱在其中。但書旱則未必零也。此一說也。穀梁說云得雨則書零不得雨則書旱。此又一說也。

螽

螽蝗屬爲災故書

冬州公如曹

州國名。世本姜姓。其稱公者。或其先嘗爲王三公之官。如虢公榮公。類曹姬姓。文王子曹叔振鐸之